



Inatsisartuni ilaasortaq,  
Henrik Fleischer, Siumut  
/Maani

### **§ 37 naapertorlugu apeqquteqaammut nr. 063 2019 tunngasumut akissut**

Inatsisartut suleriaasissaanni § 37-mi imm. 1 naapertorlugu apeqqutinik Naalakkersuisunut nassiusaqarsimavutit, aalisarnermut akuersissutit allaffissornikkut ingerlanneqarnerat kommunenut tunniunneqarnerat pillugu. Apeqqutitit uanga suliassaqaqarfigisannut akisassanngortinneqarsimapput.

#### **Apeqqut 1.**

**Naalakkersuisut suli siunniussaqaqpat aalisarnermut akuersissutit suliassatut isigalugu kommunenut tunniutissallugu?**

Akissut:

Umiatsiaararsorluni aalisarsinnaanermut akuersissutinik aamma inuussutissarsiuutigalugu piniarsinnaanermut allagartat sunngiffimmilu piniartut allagartaasa tunniuttarnerisa allaffissornertaat kommuninut februaarip aallaqqaataani 2017-imi isumagisassanngortinneqarlutik tunniunneqarput. Aaqqissuussinerup siunertaraa inuussutissarsiuutigalugu aalisartut, sunngiffimmi aalisartut aamma inuussutissarsiuutigalugu piniartut sunngiffimmilu aallaaniartartut pisariinnerusumik sukkanerusumillu allagartanik pisinnaalernissaat.

Naalakkersuisut anguniarpaat akuersissutit kommunini isumagisaqarneq suli pior-saaffigineqassasoq. Akuersissutinik tunniussisarnermut atortorineqartoq inerisarneqarpoq, aalisakkanut assigiinngitsunut akuersissutinik atorineqarsinnaanngortinneqassalluni.

#### **Apeqqut 2.**

**Akisussaaffik kommunenut nuussorniarnera sumummita killippa?**

Akissut:

Naalakkersuisoqatigiit 2014-2018-imut suleqatigiinnissamut isumaqatigiissutaat naapertorlugu Naalakkersuisut suliassaraat kommunalbestyrelsenut piumasaqaateqarnissaq aalisarsinnaanermut akuersissutinik tunniussisarnerup aamma sunngiffimmi aallaaniartartunut inuussutissarsiuutigalugulu piniartunut allagartanik tunniussisarnerup allaffissornertaanut sukumiisunik malittarisaliussasut.

Tamanna tunngavigalugu umiatsiaararsornissamut akuersissutinik aamma inuussutissarsiuutigalugu piniartut sunngiffimmilu aallaaniartartut kommunit saaffiginnittarfiinut pillutik qinnuteqarsinnaalerput ingerlaannarlu tunineqarsinnaalerlutik. Taakku Sullis-sivinnik taaguuteqartinneqarput.

Umiatsiaararsornissamut siorna akuersissuteqartut akuersissumillu nutaamik piniartut kommunit sullissiviisigut maannakkut pisinnaalerput, tamanna kommuninut piginnaaffigitinneqalerluni. Inuussutissarsiuutigalugu aallaaniarnermut akuersissutit

Ulloq: 04-02-2019  
Suliap normua: 2017 - 12337  
Akt normu: 9950122

Postboks 269  
3900 Nuuk  
Oqarasuaat (+299) 34 50 00  
Fax: (+299) 34 63 55  
E-mail: apn@nanoq.gl  
www.naalakkersuisut.gl

immikkut qinnutigineqartut Naalackersuisoqarfimmi suliarineqartarput qinnuteqaatilli sinneri kommunit saaffiginnittarfiisigut pineqarsinnaalerlutik.

### **Apeqqu 3.**

**Aningaasanut Inatsit 2017-imoortoq ilutigalugu kommunit bloktilskudiat 0,5 mio. kr.-inik qaffanneqarput, soorlumi UKA16/23 akuersissutigineqarmalli suli maannamut nalunaarusiortoqarsimanngitsoq.**

Akissut:

Inatsisartut aalisarnej pillugu inatsisaat nr. 28, 28. november 2016-imeersoq paragraf 14 immikkoortoq 5 naapertorlugu aalisarnermut akuersissutit kommunit allaffiinit tunniunneqarsinnaanissaat pisinnaalerpoq. Nalunaarummilli aamma siunnersuusiortoqarpoq akuersissutinik tunniussisinnaanermut pisinnaatitsissummik ilaqartoq taannalu upernaami atuuttussanngornissaa sulissutigineqarluni.

Aallaaniarsinnaanermut akuersissutit tunniunneqarsinnaaneri pillugit aallaaniarnej piniarnerlu pillugit inatsimmi aamma Sunngiffimmi aallaaniarsinnaanermut allagartat pillugit Namminersorlutik Oqartussat nalunaarutaat nr. 14, 30. december 2014-imeersoq § 5-imi aamma Inuussutissarsiutigalugu piniarsinnaanermut allagartat pillugit Namminersorlutik Oqartussat nalunaarutaat nr. 13, 30. december 2014-imeersoq § 4-mi atuarneqarsinnaapput.

### **Apeqqu 4.**


**Naalackersuisunut aamma nassuiaatigeqquneqarpoq kommunenut tapiissutit qulaani pineqartut aammalu UKA16/23-imi pisortanut aningaasatigut sinniutigisassaat qanoq imminut attuumanersut.**

Akissut:

Naalackersuisut isumaqarput kommuninut aningaasaliissutit allanngortinneqarneri, UKA16/123-imi aningaasat pineqartut kinguneranut attuumassuteqanngitsut.

UKA16/123-imi taamaallaat allaaserineqartoq tassaavoq kommunit aalisarsinnaanermut akuersissutinik inuussutissarsiutigalugu aamma sunngiffimmi allagartanik tamakkiisumik tunniussisalerpata, tamatumunnga aningaasat qanoq kinguneqarnissaasa ilimagineqarsinnaaneri tamatumani pineqarluni. Tamannalu UKA16/123-imi sammineqartumut tunnganngilaq.

Inussiarnersumik inuulluaqqusillunga



Nikkulaat Jeremiassen

Aalisarnermut, Piniarnermut Nunalerinermullu Naalackersuisoq

Inatsisartut suleriaasiat § 37 malillugu, naapertorlugu matumuuna Naalackersuisunut apeqqutit imaattut saqqummiuppakka:

**Naalackersuisunut apeqqutit:**

- 1. Naalackersuisut suli siunniussaqqarpat aalisarnermut akuersissutit suliassatut isigalugu kommunenut tunniutissallugu?**
- 2. Akisussaaffik kommunenut nuussorniarnera sumummita killippa?**
- 3. Aningaasanut Inatsit 2017-imoortoq ilutigalugu kommunet bloktilskudiat 0,5 mio. kr.-inik qaffanneqqarput, soorlumi UKA16/23 akuersissutigineqqarmalli suli maannamut nalunaarusiortoqqarsimanngitsoq.**
- 4. Naalackersuisunut aamma nassuiaatigeqquneqqarpoq kommunenut tapiissutit qulaani pineqartut aammalu UKA16/23-imi pisortanut aningaasatigut sinniutigisassaat qanoq imminut attuumanersut.**

(Inatsisartunut ilaasortaq, Henrik Fleischer, Siumut)

**Tungaviliineq:**

UKA 16/123 Inatsisartuni akuersissutigineqqarmat Naalackersuisut piginnaanilerneqqarput nalunaarusiornikkut aalisarnermut akuersissutit allaffissornikkut ingerlanneqqarnerat kommunenut tunniutissallugu. Tamatumap malitsigisaanik aningaasaqqarnermut inatsimmi 2017-imoortumi 0,5 mio. kr. immikkoortinneqqarput. Taamaalillutik kommunet akisussaaffimmik tigusinerminni aningaasartuuteqqarnerunissaat qulakkeerneqqarmat. Aningaasatigut nalimmassaaneq suliassamut tunniunniakkamut naapertuutinngimmata, ilimagivara aalisarnermut akuersissutit ilaannai kommunenut tunniussuunneqqarniartut.

Kissaatigaara apeqqutima ullut suliffiusut 10 ingerlanerani akineqqassasoq.